

LEGES PRO

SENATORIA DIGNI-

TATE TVENDA,

ET VITA RECTE

DEGENDA,

*Ab innominato autore sibi ipsi ad eiusq; dū-
taxat utilitatem condita.*

*Este libro no tiene Autor ni
impresor ni lugar.*



QUAM primum te Senatorem
 renūciatum esse intellexi, in quo
 ordine lectissimi, atque religiosis-
 simi viri cooptari solent, excogi-
 tare cœpi, qua ratione pondus istud gra-
 uissimum honeste, animo seq; sustinere pos-
 ses, ac statim subiit in mentem vitam, mo-
 res, animumque ipsum ita instituendū esse,
 vt non solum præstes, quod est Senatoris
 proprium, sed etiam quod de Senatore le-
 ge duodecim tabularum sub ijs verbis cau-
 tum erat, vitijs vacato, cæteris specimen
 esto, atque ideo opere prætiū esse duxi, sum-
 matim, & per capita præscribere, quid in
 hoc senatorio munere, atque in omni
 vitæ parte tibi faciendum sit, quid ue fu-
 giendum, vt enim hominū cætus non aliter
 in vnum coire, neque ciuitates stare, neque
 Respublicæ gubernari possent, nisi certas
 leges quibus pareant, quas obseruent sibi
 ipsis imponant, vtque omnis status, vel eo-
 rum qui malefitio, & scelere pascuntur, nisi
 præcipuis legibus fundatus esset penitus



50
ILLVD imprimis eos curare oportet, qui magistratum sibi mandatū recte, sancteque gerere voluerint, vt Diuini timoris sint perquam studiosi. illa enim princeps sapientia, qua omnia recte gubernantur, ab ipso diuino timore initiū summit. cuius qui expers fuerit, in magnos incidat errores necesse est. huic consequens est vitam pie, sancteque instituere, diuina mandata tota mente, omni studio, atque sollicitudine quantum humana concedit fragilitas custodire. Hæc a te qui Senatorio munere longe omnium præstantissimo fungeris, præcipue sunt obseruanda, sub ijs præscriptis, vt sacratissimam Eucharistiam quinque saltem in anno pie, deuoteque summas, vt quotidie si modo fieri possit, celebrationi missæ ad memoriam passionis domini nostri Iesu Christi celebrandâ toto animo interesse debeas, vt cures ne nomen dei omnipotentis, atque omnium sanctorum, venerandum quâ maxime vanis, inutilibusque sermonibus effuatiatur, vt quotidie preces Deo, Opt. Max. statis horis fundas. in quibus illi agenda sunt